

CLEMENS EPISCOPVS, Servus Servorum Dei. Dilectis filiis Salutem, & Apostolicam benedictionem.

Exponit nobis nuper fecisti, quod dudum fel. rec. Bonifacius Octavus, Alexander Quartus, Clemens quartus, Gregorius Undecimus, Martinus Quintus, Eugenius quartus, Calixtus tertius, & Leo Decimus Romani Pontifices predecessores nostri multa privilegia, & indulgentias Ordini, & Religioni Beate Marie de Mercede Redemptionis Captivorum pro redimendis pauperibus Christi fidelibus de manibus infidelium & Tatarum concesserunt. Et sicut eadem expositio subiungebat, licet nos pro pio dicto opere exercendo privilegia, & Indulgentias huiusmodi confirmaverimus, tamen quia multi Christi fideles dictas indulgentias se consequi posse dubitant, cum vinculo excommunicationis se innodatos, & forte se reos esse committunt, atque ex eo quod summa trium solidorum & triginta denariorum à Christi fidelibus pro consequenda indulgentia persolvendorum, ab aliquibus personis videtur gravis, dicta Religio effectum indulgentiarum prædictarum integrè consequi non valet. Quare nobis humiliter supplicari fecisti, ut in præmissis opportune providere de benignitate Apostolica dignaremur.

§. 1. Nos igitur, qui ad ea, quæ animarum cupidorum Christi fidelium, salutem procurantur, & pauperibus captivis subvenire possunt libenter inclinamus, huiusmodi supplicationibus inclinati, Tibi & pro tempore existenti Magistro Generali dicti Ordinis, quod tu, & ipse, ac per vos pro tempore deputandi, omnes & singulos Christi fideles, ad effectum gratiarum prædictarum consequendum, à quocumque vinculo excommunicationis absolvere: Et quidquid tu, & pro tempore existens ipse, Ordinis Generalis Magister, tam triginta denariorum & trium solidorum, quam alias quascumque taxas, & pecunias pro consequendis indulgentiis, & peccatorum remissionibus, tam pro vivis, quam pro defunctis, & aliis gratis, ut præferatur, vel aliàs designatas, & impositas, quoties vobis placuerit, & prout vobis videbitur, moderati, & minuire liberè, & licitè possitis, & valeatis, auctoritate Apostolica, tenore præsentium concedimus, & indulgemus.

§. 2. Necnon quod relaxatio pœnarum Purgatorii animabus defunctorum concessa, huiusmodi animæ, pro qua summa per te, & pro tempore existentem dicti Ordinis Magistrum Generalem taxanda, huiusmodi solvi contingat, etiam si ex parentibus, vel consanguineis solvens huiusmodi non existat, suffragetur, ipsaque anima relaxationem eandem consequatur.

§. 3. Et quod quilibet ex viris, sive mulieribus, qui taxam ad hoc per te, & pro tempore existentem Magistrum Generalem huiusmodi taxandam persolverit, omnibus, & singulis indulgentiis, concessionibus, & gratiis confratribus, & benefactoribus, ac aliis huiusmodi personis, & predecessoribus nostris concessis uti possit.

§. 4. Nullusque secularis, vel cuiusvis, etiam prædicti Ordinis Regularis, absque expressa licentia Magistri Generalis pro tempore existentis dicti Ordinis in scriptis tradita, indulgentias dictæ Religioni concessas, & pro tempore concedendas prædicare, ac legata, elemosynas, seu quævis pro redemptione Captivorum petere, aut capere possit, & qui contra fecerit, censuras ac pœnas per Calixtum & alios Romanos Pontifices prædictos in talia usurpantes iniectas incurrat.

§. 5. Et quilibet Notarius de relictis pro Redemptione Captivorum huiusmodi instrumentis, de quibus rogatus fuerit contentis, intra duos menses à die rogationis, aut obitus testatoris huiusmodi computandos, de omnibus & singulis pro Redemptione Captivorum huiusmodi instrumentis quomodolibet contentis tibi, & pro tempore existenti dicti Ordinis Magistro Generali, vel alicui ex vestris commissariis, si illius copiam habere poterit; alioquin uni ex fratribus dicti Ordinis, etiam si opus fuerit, nuntium ad ipsum Generalem mittere (expensis tamen ipsius Generalis, aut ex relictis huiusmodi deducendis) destinando, dare, & manifestare sub excommunicationis sententia debeant, & censeantur.

§. 6. Executores testamentorum quorumcumque re-

licta pro Redemptione Captivorum huiusmodi infra annum à die ipsorum testatorum obitus computandum, legata sub huiusmodi Magistro Generali dicti Ordinis realiter, & cum effectu solvere debeant, & teneantur.

§. 7. Quodque publicatio indulgentiarum, & aliorum præmissorum, etiam in locis, in quibus nulla domus dicti Ord. B. Marie de Mercede existat, fieri possit.

§. 8. Necnon præmissa sub quibusvis revocationibus, etiam in favorem fabricæ Basilicæ Principis Apostolorum de Urbe, & Cruciate, ac Fidei, etiam motu proprio, & certa scientia, ac de Apostolica potestate plenitudine, & consistorialiter, & cum quibusvis etiam derogatoriis derogatoriis, aliisque efficacissimis, & insolitis clausulis à Sede Apostolica quomodolibet, etiam pluries emanatis, & emanandis, nullatenus comprehendi possint. Sicque per quoscumque tam ordinarios, quam delegatos, & mixta auctoritate fungentes Iudices, & personas ubique iudicari, & cognosci, atque decidi debere, sublata eis, & eorum cuilibet quavis aliter iudicandi, & cognoscendi, atque decidendi facultate: irritum, & inane quidquid secus super his à quoquam, quavis auctoritate, scienter, vel ignoranter contigerit attentari, decernimus.

§. 9. Et nihilominus dilectis filiis Valentini, & Cesar Augustanis, ac Barchinensibus officialibus per præfatos committimus, & mandamus, quatenus ipsi vel duo vel unus eorum per se, vel alium, seu alios tibi, & pro tempore existenti Magistro Generali dicti Ordinis in præmissis efficacis defensionis præsidio assistentes, faciant præfatas literas, & in eis contenta quæcumque plenum effectum sortiri, non permittentes vos desuper quomodolibet molestari, impediri, aut inquietari. Contradictores quoslibet & rebelles, etiam per quascumque, de quibus eis placuerit, censuras & pœnas, atque alia opportuna iuris remedia, appellatione postposita compescendo, ac legitimis super his habendis servatis processibus, censuras & pœnas ipsas iteratis vicibus aggravando, invocato etiã ad hoc, si opus fuerit, auxilio brachii secularis. Non obstant, præmissis, ac fel. rec. Bonif. Papæ VIII. predecessoris nostri de una, & in Concilio Generali de duabus dietis habita, dummodo ultra tres dietas aliquis auctoritate præsentium ad iudicium non trahatur, & aliis Apostolicis, ac Provincialibus, & synodalibus constitutionibus, & ordinationibus, necnon quibuscumque in contrarium, sive in editis, statutis, & consuetudinibus, ac fundatione, etiam juramento, confirmatione, vel quavis firmitate alia roboratis, privilegiis quoque, indultis, & litteris Apost. quibusvis personis forsitan concessis, confirmatis, & innovatis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idè importantes, mentio, seu quævis alia expressio habenda, atque aliqua alia exquisita forma servanda foret, tenores huiusmodi, ac si de verbo ad verbum infererentur præsentibus pro plene & sufficienter expressis habentes, illis aliàs in suo robore permanentibus, hac vice dumtaxat specialiter, & expressè derogamus, ceterisque contrariis quibuscumque.

Dat. Romæ apud S. Pet. sub annulo Piscatoris, die 24. Julii, anno 1529. Pont. nostri anno 6.

CONST. XI. SIXTUS V.

Concedit Pontifex fratribus Ordinis B. Marie de Mercede Redemptionis Captivorum antea apud Ecclesiam sanctæ Rufinæ Transtiberim commorantibus, Ecclesiam sancti Hadriani de Urbe in Foro Boario.

SIXTUS EPISCOPUS, Servus Servorum Dei: Ad perpetuam rei memoriam.

Cum ex omnibus Christianæ charitatis officiis, quibus æterna salus per gratiam Dei comparatur, illa Redemptori nostro Jesu Christo vel maxime placere credamus, per quæ infelices Captivi à terra impiorum servitute revocantur.

§. 1. Primus.

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

*Primum in  
hunc  
fratrum Or-  
dinis de Mer-  
cede.*

§. 1. Primum & salutarium propositum dilectorum s-  
liorum fratrum Ordinis Beatæ Mariæ de Mercede Re-  
demptionis Captivorum, qui hinc operi ex eorum prima-  
vo instituto jugiter intendunt, promovere cupientes, ea  
illis loca in Urbe nostra libenter concedimus, & assigna-  
mus, in quibus ipsi Altissimo famulari, divinamque opem  
ad eam rem perficiendam assidue implorare possint.

§. 2. Motu itaque proprio, & non ad alieujus nobis de-  
super oblatæ petitionis instantiam, sed de nostra mera li-  
beralitate, ac certa scientia nostris, atque Apostolicæ po-  
testatis plenitudine, usum Ecclesiæ sancti Hadriani de  
Urbe prædictæ, quæ denominatio Diaconi Cardinalis exi-  
stit, cui dilectus filius noster Augustinus ejusdem sancti  
Hadriani Diaconus Cardinalis, Cusanus nuncupatus,  
præfuit, & in qua nunquam ferè Divinum officium cele-  
bratur, cum domo illi adhærente, ac situ ad ipsam Eccle-  
siam pertinet, de ipsius Augustini Cardinalis expresso  
consensu, & salvo eidem Augustino Cardin. & pro tem-  
pore existenti Diacono Cardinali, ipsius S. Hadriani ho-  
nis, proprietatibus, juribus, actionibus, fructibus, redditu-  
bus, & proventibus, quos D. Augustinus Cardinalis, sui-  
que successores sancti Hadriani Diaconi Cardinales cum  
integritate, & absque alio onere, seu contributione perci-  
pere possint & debeant. Necnon collatione, & quavis  
alia dispositione, seu jure conferendi dictæ Ecclesiæ Ca-  
nonicatus, & Præbendæ, ac alia beneficia ad pro tempore  
existentem Diaconum Cardinalem sancti Hadriani spe-  
ctantia, & pertinentia, pro tempore vacantia, eidem ordini  
pro una Domo, seu Monasterio Ordinis prædicti inibi  
cum Conventu, Claustro, Dormitorio, Refectorio, cellu-  
lis, hortis, hospitaliis, aliisque Officiis, & fabricis ne-  
cessariis pro competenti habitatione fratrum dicti Ordinis,  
qui eidem Ecclesiæ in divinis deservire, & omnia  
onera illi incumbentia perferre, etiam absque eo quod  
aliquid pro eorum alimentis, aut aliis necessariis ab ipso  
Augustino Cardinale, aut pro tempore existente Diacono  
Cardinali sancti Hadriani hujusmodi petere, aut habere  
possint (statu seculari ejusdem Diaconiz, tam quoad ip-  
sum Augustinum, & qui pro tempore fuerit Diaconus  
Cardinalis, quàm quoad Canonicos prædictos, quorum  
jura, & prærogativæ nunc & pro tempore semper illæsa  
remaneant, in aliquo non mutato; sed illo quoad præ-  
missa semper salvo, & firmo remanente) auctoritate Apo-  
stolica tenore præsentium perpetuo concedimus, & as-  
signamus.

§. 3. Ipsumque Monasterium sic constituendum, & ædi-  
ficandum, ex nunc, prout ex tunc, & è contra postquam  
extructum, & ædificatum fuerit, in Monasterium dicti  
Ordinis sine alicujus præjudicio erigimus, & instituiimus.

§. 4. Ita quod liceat dilectis filiis Magistro Generali  
Francisco de Salazar, & ejus Vicario, seu Procuratori  
generali Francisco de Torres fratri dicti Ordinis, usus  
dictæ Ecclesiæ corporalem possessionem propria aucto-  
ritate liberè apprehendere, & perpetuo retinere, nullius  
ad hoc requisita licentia.

§. 5. Ipsique fratres à Monasterio, Ecclesiâ, ambitu,  
& situ prædictis per Titularem pro tempore existentem,  
seu Canonicos dictæ Ecclesiæ, aut quosvis alios, quovis  
prætextu, seu causa, vel occasione amoveri nunquam  
possint.

§. 6. Ipsique Fratribus, quod omnibus, & singulis  
privilegiis, libertatibus, immunitatibus, exemptionibus,  
præminentis, antelationibus, gratiis, indultis, indul-  
gentiis, etiam plenariis, peccatorum remissionibus, aliis-  
que gratiis, tam spiritualibus, quàm temporalibus, &  
aliis quomodolibet pauptatis, quibus alii fratres  
aliorum Monasteriorum dicti Ordinis quomodolibet  
utuntur, potiuntur, & gaudent, pariformiter uti, poti-  
ri, & gaudere valeant, indulgemus.

§. 7. Decretentes præsentis literas nullo unquam tem-  
pore de subreptionis, vel obreptionis vicio, seu intentionis  
nostræ, vel quoquam alio defectu, etiam ex quo in-  
teresse habentes vocati non fuerint, notari, impugnari,  
invalidari, aut ad terminos Juris reduci, seu in jus, vel  
controversiam revocari posse. Sicque per quoscumque  
Judices, & Commissarios quavis auctoritate surgentes,  
etiam causarum Palatii Apostolici Auditores, ac S.R.E.

Card. sublata eis & eorum cuilibet quavis aliter judi-  
candi, & interpretandi facultate, & auctoritate, ubique  
judicari, & definiri debere. Necnon irritum, & inane si  
secus super his à quoquam quavis auctoritate scienter,  
vel ignoranter contigerit promulgari.

§. 8. Quocirca dilectis filiis nostris in alma Urbe, & ejus  
districu in spiritualibus Vicario, & causarum Curie Ca-  
meræ Apost. Auditori Generalibus, motu simili per præ-  
sentes mandamus, quatenus ipsi, vel unus e-  
orum, per se, vel alium, seu alios præsentis literas, & in  
eis contenta quæcumque, ubi & quando opus fuerit, ac  
quoties pro parte dilecti filii Magistri fuerint requisiti,  
solemniter publicent, & faciant eisdem fratres præmissis  
omnibus, & singulis juxta præsentium tenorem pacifice  
frui, & gaudere. Nec permittant eos de super à quoquam  
quomodolibet molestari. Contradictores quoslibet & re-  
belles, & præmissis non parentes, per sententias, censu-  
ras & penas Ecclesiasticas, aliaque opportuna juris re-  
media, appellatione postposita compescendo, invocato  
etiam ad hoc, si opus fuerit, auxilio brachii secularis.  
Non obstante nostra de unionibus committendis, vocatis  
quorum interest, ac exprimendo vero valore, ac Latera-  
nensis Concilii novissimè celebrari, uniones perpetuas,  
nisi in casibus à jure permissis, fieri prohibentis, ac aliis  
constitutionibus, & ordinationibus Apostolicis, necnon  
Ecclesiæ, ac Ordinis hujusmodi juramento, confirmatione  
Apostolica, vel quavis firmitate alia roboratis statutis, &  
consuetudinibus, privilegiis quoque, indultis, ac literis  
Apostolicis in contrarium quomodolibet concessis, ap-  
probatis, & innovatis. Quibus omnibus, illorum tenores  
præsentibus pro expressis habentes, illis aliis in suo ro-  
bore permanentibus, hac vice dumtaxat specialiter, & ex-  
pressè derogamus, ceterisque contrariis quibuscumque.

Datum Romæ apud S. Petrum, sub annulo Piscatoris,  
die 8. Aprilis 1589. Pont. nostri anno quarto.  
Marcellus Vestrius Barbianus.

CONST. XII.

Confirmat Pontifex novas constitutiones, or-  
dinationes, ac reformationes Ordinis B. Ma-  
riæ de Mercede Redemptionis captivorum:  
Necnon omnia, & singula Privilegia, ac In-  
dulgentias etiam plenarias, aliasque gratias  
spirituales, & temporales prædicto Ordini  
ab Apostolica Sede concessa, confirmat item,  
ac de novo concedit.

SIXTUS PAPA V. Ad futuram rei memoriam.

Inter præcipuas nostræ sollicitudinis partes, illud  
unum semper providere curamus, ut Regulares per-  
sonæ, non solum juxta laudabilia earum instituta ita Deo  
Salvatori nostro famulentur, ut aliis exemplo esse pos-  
sint, sed etiam, ut taliter munire & suffultæ privilegiis  
& externis adjumentis existant, ut in earum fervore pro-  
pter temporalia minimè tepescere cogantur, aut aliter  
perturbari, & inquietari ullatenus possint. Ad quod &  
promptius erga Ordinem Beatæ Mariæ de Mercede Re-  
demptionis Captivorum in Regnis Hispaniæ primitus  
erectum, faciendum inducimur, quod ejusdem Ordinis  
professores ita eximio sunt charitatis zelo succensi in  
proximorum salute, vita, ac libertate procuranda, ut sese  
in pretium, & pignus pro Christi fidelibus à Saraceno-  
rum misera servitute redimendis, & liberandis tradere,  
& mancipare (cum necesse fuerit) non vereantur.

§. 1. Sanè cum pridem nos ad tollendas nonnullas in  
hac Religione controversias, certam formam pro capita-  
li, ac Magistri Generalis celebratione ac electione facien-  
da ordinaverimus, & statuerimus, ac sicut pro parte dile-  
ctorum filiorum Francisci de Salazar Generalis Magi-  
stri, ac Francisci de Torres Procuratoris dicti Ordinis, ac  
Vicarii Generalis Nobis expositum fuit, pro ejusdem Or-  
dinis directione & propagatione, juxta temporum qua-  
litate & exigentiam novæ quædam reformationes, ac  
decreta de loco Capituli Generalis, quam de vocalium  
electorum,

electorum, & definitorum auctoritate, ac aliorum dicti Ordinis Superiorum officio, juxta fel. record. Pii Quinti, & Gregorii XIII. Romanorum Pontificum predecessorum nostrorum, ac nostras literas prefatas sancita fuerunt. Insuper à diversis Romanis Pontificibus predecessoribus nostris eidem Ordini plura privilegia, & gratias tam spirituales, quam temporales concessa, confirmata & innovata fuerunt, nobis humiliter supplicatum fuit, ut præmissa omnia confirmare, ac eis robur adicere, ac aliàs in præmissis opportunè providere de benignitate Apostolica dignemur.

§. 2. Nos honestis, ac piis supplicationibus hujusmodi inclinati, ac eisdem Generalem, & Procuratores, Provinciales, Superiores, & fratres à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes: Necnon Decretorum prædictorum reformationes, indulgentiarum, privilegiorum, gratiarum, literarum, etiam singularium tenores pro sufficienter expressis, ac de verbo ad verbum insertis habentes, constitutiones, ordinationes, reformationes, provisiones, ac decreta electionem, auctoritatem, potestatem, officium Magistri Generalis, electorum, definitorum, vocalium, Priorum, Fratrum, ac aliorum sub dicta regula, & institutis degentium directionem, gubernationem, curam, & administrationem, visitationem, correctionem quomodolibet, in genere, vel in specie concernentia, quatenus pia, & honesta, ac sacris Canonibus non contraria, & ad formam Tridentinæ Synodi, ex certa scientia, ac de Apostolicæ potestatis plenitudine approbamus, & confirmamus: ac omnibus in virtute sanctæ obedientiæ, ac sub excommunicationis, & aliarum pœnarum, pro arbitrio Magistri Generalis pro tempore existentis, incurfu observari, ac inviolabiliter custodiri mandamus. Supplentes omnes & singulos tam juris, quam facti, ac solemnitatum quarumcumque quomodolibet omisarum defectus, si qui forsan intervenerint in eisdem.

§. 3. Necnon omnia, & singula privilegia, exemptiones, immunitates, libertates, prærogativas, antelationes, favores, præminentias, indulta, licentias, stationes, declarationes, facultates, concessiones, indulgentias etiam plenarias, ac peccatorum remissiones, atque relaxationes, aliasque gratias spirituales, & temporales Ordini præfato, ac singulis illius Monasteriis, Prioratibus, ac aliis monasticis, & regularibus locis, eorumque Generali, Prioribus, Definitoribus, Visitatoribus, Superioribus, Fratribus, ac aliis Religiosis per quoscumque Prædecessores nostros Romanos Pontifices, ac Sedem Apostolicam, tam in genere, quam in specie, etiam per modum communicationis, extensionis, & ampliationis, ac aliàs quomodolibet concessas, confirmatas, & approbatas: etiam si talia forent, quæ specialem requirerent mentionem, quatenus sint in usu, & ad formam dictæ Synodi Trident. & quoad privilegia, modò nulli præjudicium inferant, approbamus, ac etiam de novo concedimus. Et illis omnibus, & singulis uti, frui, & gaudere, sicut ea omnia justè, & pacificè possident, libere, & licitè posse, & debere decernimus, ac indulgemus.

§. 4. Non obstantibus constitutionibus, & ordinationibus Apostolicis quomodolibet in contrarium facientibus, cæterisque contrariis quibuscumque.

§. 5. Volumus autem, ut præsentium transumptis manu Magistri Generalis, seu alicujus Superioris dicti Ordinis, & alicujus Notarii publici subscriptis, & sigillo ejusdem Ordinis designatis eadem prorsus fides adhibeatur, quæ præsentibus adhiberetur, si forent exhibitæ vel ostentatæ.

Datum Romæ apud S. Petrum, sub annulo Piscatoris, die 26. April. anno 1589. Pont. nostri anno quarto. M. Vestrius Barbianus.



CONST. XIII.

PAULI V.

Summarium literarum in forma Brevis.

Concedit Pontifex quod in universo Ordine Redemptorum S. Mariæ de Mercede libere, & licitè officium B. Mariæ de Mercede in die solemnitatis Revelationis, seu defensionis ejusdem B. Virginis Mariæ pro fundatione Ordinis, in Dominica proximiori Kalendis Augusti celebrari consuetæ, juxta formam in Breviario Romano contentam, in Festo Dedicacionis ejusdem Beatæ Mariæ ad Nives recitari possit: Assignatque tres Lectiones pro secundo Nocturno.

PAVLVS PAPA V. Edito An. D. 1616. Ad perpetuam rei memoriam.

Decet Romano Pontifici, quem Dominus omnipotens in persona Principis Apostolorum militanti Ecclesiæ sponsæ suæ præficere dignatus est, ea benignitate concedere, quæ ad gloriosissimam, semperque Dei genitricis Mariæ venerationem, & Christi fidelium, præsertim verò sub ejus patrocinio, & suavi Religionis jugo Altissimo famulantium devotionem erga illam promovendam noscuntur pertinere.

§. 1. Cum itaque, sicut dilecti filii Franciscus de Ribera Magister Generalis, & Fratres Ordinis Beatæ Mariæ de Mercede Redemptionis Captivorum Nobis nuper exponi fecerunt, quia in eorum solemnitate in Dominica proximiori Kalendis Augusti celebrari solita, Officium Beatæ Mariæ, juxta formam Breviarii Romani, & prout in dicto Breviario continetur & recitatur in Festo Dedicacionis ejusdem Beatæ Mariæ ad Nives, ex concessione Sedis Apostolicæ recitant, infrascriptas Lectiones in secundo Nocturno Officii hujusmodi recitare summopere desiderent.

§. 2. Nos piis Magistri generalis, & fratrum Prædictorum votis benigne annuere, illosque specialibus favoribus, & gratis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existant, ad effectum præsentium dumtaxat consequendum, harum serie absolventes, & absolutas fore censentes, supplicationibus illorum nomine super hoc nobis humiliter porrectis inclinati, lectiones hujusmodi, quæ à Venerabilibus fratribus nostris Sanctæ Romanæ Ecclesiæ Cardinalibus sacris Ritibus præpositis approbatæ fuerunt, de eorundem Cardinalium con. lio Apostolica auctoritate tenore præsentium perpetuò approbamus, & confirmamus, utque ab omnibus & singulis dicti Ordinis fratribus in secundo Nocturno prædicti officii libere recitari possint, & valeant, auctoritate, & tenore prædictis concedimus, & indulgemus.

§. 3. Non obstantibus constitutionibus, & ordinationibus Apost. ac quatenus opus sit, dicti Ordinis etiam juramento, confirmatione Apost. vel quavis firmitate alia roboratis statutis, & consuetudinibus, cæterisque contrariis quibuscumque.

Tenor autem Lectionum prædictarum sequitur, & est talis, videlicet: Ex decretalibus literis, quibus Beatus Raymundus Peñafort à Clemente Octavo Pontifice maximo in Sanctorum Catalogum adscribitur. Sub Datum Romæ apud Sanctum Petrum, anno Domini 1601. 3. Kalendas Maii, Pontificatus sui anno decimo.